





文選卷第二十八

梁昭明太子蕭統撰

樂府下

樂府詩十七首

猛虎行

陸士衡

渴不飲盜泉水熱不息惡木陰惡木豈無枝志  
士多苦心整駕肅時命杖策將遠尋饑時猛虎  
窟寒栖野雀林日歸功未建時往歲載陰崇雲  
臨岸駭鳴條隨風吟靜言幽谷底長嘯高山岑



急絃無懦響亮節難爲音人生誠未易曷云開  
此衿眷我耿介懷俯仰愧古今

君子行

天道夷且簡人道嶮而難休咎相乘躡翻覆若  
波瀾去疾苦不遠疑似實生患近火固宜熱履  
冰豈惡寒掇蜂滅天道拾塵惑孔顏逐臣尚何  
有弃友馬足歎福鍾恒有兆禍集非無端天損  
未易辭人益猶可懼朗鑒豈遠假取之在傾冠  
近情苦自信君子防未然

從軍行

苦哉遠征人飄飄窮四遐南陟五嶺巔北戍長  
城阿深谷邈無底崇山鬱嵯峨奮臂攀喬木振  
迹涉流沙隆暑固已慘涼風嚴且苛夏條集鮮  
藻寒冰結衝波胡馬如雲屯越旗亦星羅飛鋒  
無絕影鳴鏑自相和朝食不免胄夕息常負戈  
苦哉遠征人撫心悲如何

豫章行

汎舟清山渚遙望高山陰川陸殊途軌懿親將



遠尋三荆歡同株四鳥悲異林樂會良自古悼  
別豈獨今寄世將幾何日曷無停陰前路既已  
多後塗隨年侵促促薄暮景疊疊鮮克禁曷為  
復以茲曾是懷苦心遠節嬰物淺近情能不深  
行矣保嘉福景絕繼以音

苦寒行

北游幽朔城涼野多嶮難俯入穹谷底仰陟高  
山盤凝冰結重澗積雪被長巒陰雲興巖側悲  
風鳴樹端不覩白日景但聞寒鳥喧猛虎憑林

嘯玄猿臨岸歎夕宿喬木下慘愴恒鮮歡渴飲  
堅冰漿饑待零露餐離思固已久寤寐莫與言  
劇哉行役人慊慊恒苦寒

飲馬長城窟行

驅馬陟陰山山高馬不前往問陰山候勁虜在  
熨然戎車無停軌旌旆屢徂遷仰憑積雪巖俯  
涉堅冰川冬來秋未反去家邈以縣檢仇亮木  
夷征人豈徒旋末德爭先鳴凶器無兩全師克  
薄賞行軍沒微驅拍將遵甘陳迹收功單于旃



振旅勞歸士受爵棗街傳

門有車馬客行

門有車馬客駕言發故鄉念君久不歸濡跡涉  
江湘投袂赴門塗攬衣不及裳撫膺攜客泣掩  
淚叙溫涼借問邦族間慟愴論存亡親友多零  
落舊齒皆凋喪市朝互遷易城闕或丘荒墳壘  
日月多松柏鬱茫茫天道信崇替人生安得長  
慷慨惟平生俛仰獨悲傷

君子有所思行

命駕登北山延佇望城郭塵里一何盛街巷紛  
漠漠甲第崇高闥洞房結阿閣曲池何湛湛清  
川帶華薄邃宇列綺窻蘭室接羅幕淑貌色斯  
升哀音承顏作人生誠行邁容華隨年落善哉  
膏粱士營生奧且博宴安消靈根醜毒不可恪  
無以肉食資取笑葵與藿

齊謳行

營丘負海曲沃野爽且平洪川控河濟崇山入  
高冥東被姑尤側南界聊攝城海物錯萬類陸



產尚千名孟諸吞楚夢百二倅秦京惟師恢東  
表栢后定周傾天道有迭代人道無久盈鄙於  
牛山歎未及至人情爽鳩苟已徂吾子安得停  
行行將復去長存非所營

日出東南隅行

或曰羅敷豔歌

扶桑升朝暉照此高臺端高臺多妖麗濬房出  
清顏淑貌耀皎日惠心清且閑美目揚玉澤蛾  
眉象翠翰鮮膚一何潤秀色若可餐窈窕多容

儀婉媚巧笑言暮春春服成粲粲綺與紈金雀  
垂藻翹瓊珮結瑤璠方駕揚清塵濯足洛水瀾  
藹藹風雲會佳人一何繁南崖克羅幕北渚盈  
軒軒清川含藻景高崖被華丹馥馥芳袖揮冷  
泠纖指彈悲歌吐清響雅舞播幽蘭丹唇含九  
秋妍迹陵七盤赴曲迅驚鴻蹈節如集鸞綺態  
隨顏變沈姿無乏源俯仰紛阿那顧步咸可懽  
遺芳結飛飈浮景映清湍冶容不足詠春游良  
可歎



長安有狹邪行

伊洛有岐路岐路交朱輪輕蓋承華景騰步躡  
飛塵鳴玉豈樸儒憑軾皆俊民烈心厲勁秋麗  
服鮮芳春余本倦游客豪彥多舊親傾蓋承芳  
訊欲鳴當及晨守一不足矜岐路良可遵規行  
無曠迹矩步豈逮人投足緒已爾四時不必循  
將遂殊塗軌要子同歸津

前緩聲歌

游仙聚靈族高會曾城阿長風萬里舉慶雲

嵯峨處妃與洛浦王韓起太華北徵璿臺女南  
要湘川娥肅肅霄駕動翩翩翠蓋羅羽旗棲瓊  
鑿玉衡吐鳴和太容揮高絃洪崖發清歌獻酬  
既已周輕舉乘紫霞摠轡扶桑枝濯足湯谷波  
清輝溢天門垂慶惠皇家

長歌行

遊矣經天日悲哉帶地川寸陰無停晷尺波豈  
徒旋年往迅勁矢時來亮急弦遠期鮮克及盈  
數固希余容華夙夜零體澤坐自捐茲物苟難



停吾壽安得延俛仰逝將過倏忽幾何間慷慨  
亦焉訴天道良自然但恨功名薄竹帛無所宣  
迨及歲未暮長歌承我閑

吳趨行

楚妃且勿歎齊娥且莫謳四坐并清聽聽我歌  
吳趨吳趨自有始請從昌門起昌門何峨峨飛  
閣跨通波重巖承游極回軒啓曲阿藹藹慶雲  
被泠泠祥風過山澤多藏育土風清且嘉恭伯  
遵仁風仰雍揚其波穆穆延陵子灼灼光諸華

王迹隕陽九帝功興四遐大皇自富春矯手頓  
世羅邦姿應運興粲若春林葩屬城咸有士吳  
邑最為多八族未足侈四姓實名家文德熙淳  
懿武功侔山河禮讓何濟濟流化自滂沱淑美  
難窮紀商摧為此歌

塘上行

江蘼生幽渚微芳不足宣被蒙風雲會移居華  
池邊發藻玉臺下垂影滄浪泉沾潤既已渥結  
根與且堅四節逝不處華繁難久鮮淑氣與時



殞餘芳隨風捐天道有遷易人理無常全男懽  
智傾愚女愛衰避妍不惜微軀退但懼蒼蠅前  
願君廣末光照妾薄暮年

悲執行

游客芳春林春芳傷客心和風飛清響鮮雲垂  
薄陰蕙草饒淑氣時鳥多好音翩翩鳴鳩羽喈  
喈倉庚音幽蘭盈通谷長秀被高岑女蘿亦有  
託蔓葛亦有尋傷哉遊客士憂思一何深目感  
隨氣草耳悲詠時禽寤寐多遠念緬然若飛沈

願託歸風響寄言遺所欽

短歌行

置酒高堂悲歌臨觴人壽幾何逝如朝霜時無  
重至華不再陽蘋以春暉蘭以秋芳來日苦短  
去日苦長今我不樂蟋蟀在房樂以會興悲以  
別章豈曰無感憂爲子忘我酒旣旨我肴旣臧  
短歌有詠長夜無荒

樂府詩

會吟行

謝靈運



六引緩清唱三調佇繁音列筵皆靜寂咸共聆  
會吟會吟自有物請從文命敷敷績壺冀始刊  
木至江汜列宿炳天文負海橫地理連峯競千  
仞背流各百里漈池漑粳稻輕雲暖松杞兩京  
愧佳麗二都豈能似層臺指中天高墉積崇雉  
飛堯躍廣途鷓首戲清泚肆呈窈窕容路曜便  
娟子自來彌年代賢達不可紀句踐善廢興越  
叟識行止范蠡出江湖梅福入城市東方就旅  
逸梁鴻去桑梓牽綴書土風辭殫意未已

樂府詩八首

東武吟

鮑明遠

主人且勿誼賤子歌一言僕本寒鄉士出身蒙  
漢恩始隨張校尉占募到河源後逐李輕車追  
虜窮塞坦密塗亘萬里寧歲猶七奔朏力盡峯  
甲心思歷涼溫將軍旣下世部曲亦罕存時事  
一朝異孤績誰復論少壯辭家去窮老還入門  
畧鎌刈葵藿倚杖收雞豚昔如韝上鷹今似檻  
中猿徒結千載恨空負百年怨弃席思君幄疲



馬戀君軒願垂晉主惠不愧田子魂

出自薊北門行

羽檄起邊亭烽火入咸陽徵騎屯廣武分兵救  
朔方嚴秋筋竿勁虜陣精且疆天子按劍怒使  
者遙相望鴈行緣石徑魚貫度飛梁簫鼓流漢  
思旌甲被胡霜疾風衝塞起沙礫自飄揚馬毛  
縮如蝟角弓不可張時危見臣節世亂識忠良  
投軀報明主身死爲國殤

結客少年場行

驄馬金絡頭錦帶佩吳鉤失意杯酒間白刃起  
相讎追兵一旦至負劍遠行遊去鄉三十載復  
得還舊丘升高臨四關表裏望皇州九塗平若  
水雙闕似雲浮扶宮羅將相夾道列王侯日中  
市朝滿車馬若川流擊鍾陳鼎食方駕自相求  
今我獨何爲埽堞懷百憂

東門行

傷禽惡弦驚倦客惡離聲離聲斷客情賓御皆  
涕零涕零心斷絕將去復還訣一息不相知何



況異鄉別遙遙征駕遠杳杳落日晚居人掩閨  
卧行子夜中飯野風吹秋木行子心腸斷食梅  
常苦酸衣葛常苦寒絲竹徒滿坐憂人不解顏  
長歌欲自慰彌起長恨端

苦熱行

赤阪橫西阻火山赫南威身熱頭且痛烏墮魂  
來歸湯泉發雲潭焦煙起石圻日月有恒昏雨  
露禾常晞丹蛇踰百尺玄蜂盈十圍含沙射流  
影吹蠱痛行暉障氣晝熏體茵露夜沾衣饑爰

莫下食晨禽不敢飛毒涇尚多死渡瀘寧具肥  
生軀蹈死地昌志登禍機戈舩榮旣薄伏波賞  
亦微爵輕君尚惜士重安可希

白頭吟

直如朱絲繩清如玉壺冰何慙宿昔意猜恨坐  
相仍人情賤恩舊世議逐衰興毫髮一為瑕丘  
山不可勝食苗實碩鼠玷白信蒼蠅鳧鵠遠成  
美新芻前見陵中黜褒女進班去趙姬昇周王  
日淪惑漢帝益嗟稱心賞猶難恃貌恭豈易憑



古來共如此非若獨撫膺

放歌行

蓼蟲避葵董習苦不言非小人自齷齪安知曠  
士懷鷄鳴洛城裏禁門平旦開冠蓋縱橫至車  
騎四方來素帶曳長飈華纓結遠埃日中安能  
止鍾鳴猶未歸夷世不可逢賢君信愛才胡慮  
自天斷不受外嫌猜一言分珪爵片善辭草萊  
豈伊白壁賜將起黃金臺今君有何疾臨路獨  
遲迴

升天行

家世宅關輔勝帶官王城備聞十帝事委曲兩  
都情倦見物興衰驟觀俗屯平翩翩類迴掌帆  
惚似朝榮窮塗悔短計晚志重長生從師入遠  
岳結友事仙靈五圖發金記九籥隱丹經風餐  
委松宿雲卧恣天行冠霞登綵閣解玉飲椒庭  
蹙游越萬里近別數千齡鳳臺無還駕簫管有  
遺聲何時與爾曹啄腐共吞腥

鼓吹曲

謝玄暉



江南佳麗地金陵帝王州逶迤帶淶水迢遞起  
朱樓飛甍夾馳道垂陽蔭御溝凝笳翼高蓋疊  
鼓送華輶獻納雲臺表功名良可收

挽歌

挽歌詩

繆熙伯

生時游國都死沒弃中野朝發高堂上暮宿黃  
泉下白日入虞淵懸車息駟馬造化雖神明安  
能復存我形容稍歇滅齒髮行當墮自古皆有  
然誰能離此者

挽歌詩三首

陸士衡

卜擇考休貞嘉命咸在茲夙駕警徒御結轡頓  
重綦龍輓被廣柳前驅矯輕旗殯宮何嘈嘈哀  
響沸中闈中闈且勿謹聽我薤露詩死生各異  
倫祖載當有時舍爵兩楹位啓殯進靈輜飲餞  
觴莫舉出宿歸無期惟枉曠遺影棟宇與子辭  
周親咸奔湊友朋自遠來翼翼飛輕軒駸駸策  
素騏按轡遵長薄送子長夜臺呼子子不聞泣  
子子不知歎息重襯側念我疇昔時三秋猶足



收萬世安可思  
殉沒身易亡  
殺子非所能  
含言  
言哽咽  
揮涕涕流離

流離親友思  
悵惆神不泰  
素驂佇轎軒  
玄駟驚  
飛蓋哀鳴興  
殯宮迴遲悲  
野外魂輿寂  
無響但  
見冠與帶  
備物象平生  
長旌誰爲飾  
悲風微行  
軌傾雲結流  
藹振策指靈丘  
駕言從此逝

重阜何崔嵬  
玄廬竄其間  
旁薄立四極  
穹隆放  
蒼天側聽陰  
滿涌卧觀天  
井懸廣宵何寥廓  
大  
暮安可晨人往  
有友歲我行  
無歸年昔居  
四民

宅今託萬鬼  
隣昔爲七尺  
軀今成灰與塵  
金玉  
素所佩鴻毛  
今不振豐肌  
饗螻蟻妍骸  
求夷泯  
壽堂延螭魅  
虛無自相賓  
螻蟻爾何怨  
螭魅我  
何親拊心痛  
荼毒求歎莫爲陳

挽歌詩

陶淵明

荒草何茫茫  
白楊亦蕭蕭  
嚴霜九月中  
送我出  
遠郊四面無人  
居高墳正嶢嶢  
馬爲仰天鳴  
風  
爲自蕭條幽室  
一已闌千年不復  
朝賢達無奈  
何向來相送人  
各已歸其家  
親戚



或餘悲他人亦已歌死去何所道託體同山阿  
雜歌

荆軻歌

燕太子丹使荆軻刺秦王丹祖送於易水上高  
漸離擊筑荆軻歌宋如意和之曰  
風蕭蕭兮易水寒壯士一去兮不復還

漢高祖歌

高祖還過沛留置沛宮悉召故人父老子弟佐  
酒發沛中兒得百二十人教之歌酒酣上擊筑

自歌曰

大風起兮雲飛揚威加海內兮歸故鄉安得猛  
士兮守四方

扶風歌

劉越石

朝發廣莫門暮宿丹水山左手彎繁弱右手揮  
龍淵顧瞻望宮闕俯仰御飛軒據鞏長歎息淚  
下如流泉繫馬長松下發鞏高岳頭烈烈悲風  
起泠泠澗水流揮手長相謝哽咽不能言浮雲  
爲我結歸鳥爲我旋去家日已遠安知存與亡



慷慨窮林中抱膝獨推藏麋鹿遊我前後猴戲  
我側資糧既乏盡薇蕨安可食攬轡命徒侶吟  
嘯絕巖中君子道微矣夫子故有窮惟昔李騫  
期寄在匈奴庭忠信反獲罪漢武不見明我欲  
競此曲此曲悲且長弃置勿重陳重陳令心傷

中山王孺子妾歌

陸韓卿

如姬寢卧内班婕坐同車洪波陪飲帳林光宴  
秦餘歲暮寒飈及秋水落芙蓉子瑕矯後駕安  
陵沙前魚賤妾終已矣君子定焉如

音釋

翰平聲迨音大浪平聲礫石也商音罔轡音而泯平聲

文選卷第一十八終



文選卷第二十九  
雜詩  
古詩十九首  
行行重行行與君生別離相去萬餘里各在天  
一涯道路阻且長會面安可知胡馬依北風越  
鳥巢南枝相去日已遠衣帶日已緩浮雲蔽白  
日游子不顧返思君令人老歲月忽已晚棄捐  
勿復道努力加餐飯

文選卷第二十九

梁昭明太子

蕭統撰

雜詩

古詩十九首

行行重行行與君生別離相去萬餘里各在天  
一涯道路阻且長會面安可知胡馬依北風越  
鳥巢南枝相去日已遠衣帶日已緩浮雲蔽白  
日游子不顧返思君令人老歲月忽已晚棄捐  
勿復道努力加餐飯



青青河畔草鬱鬱園中柳盈盈樓上女皎皎當  
窓牖娥娥紅粉粧纖纖出素手昔爲倡家女今  
爲蕩子婦蕩子行不歸空牀難獨守

青青陵上柏磊磊澗中石人生天地間忽如遠  
行客斗酒相娛樂聊厚不爲薄驅車策駑馬游  
戲宛與洛洛中何鬱鬱冠帶自相索長衢羅夾  
巷王侯多第宅兩宮遙相望雙闕百餘尺極宴  
娛心意戚戚何所迫

今日良宴會歡樂難具陳彈箏奮逸響新聲妙

入神令德唱高言識曲聽其真齊心同所願含  
意俱未申人生寄一世奄忽若飈塵何不策高  
足先據要路津無爲守窮賤輒軻長苦辛

西北有高樓上與浮雲齊交疏結綺窓阿閣三  
重階上有絃歌聲音響一何悲誰能爲此曲無  
乃杞梁妻清商隨風發中曲正徘徊一彈再三  
歎慷慨有餘哀不惜歌者苦但傷知音稀願爲  
雙鳴鶴奮翅起高飛

涉江采芙蓉蘭澤多芳草采之欲遺誰所思在



遠道還顧望舊鄉長路漫漫浩浩同心而離居憂  
傷以終老

明月皎夜光促織鳴東壁玉衡指孟冬衆星何  
歷歷白露霑野草時節忽復易秋蟬鳴樹間玄  
鳥逝安適昔我同門友高舉振六翮不念攜手  
好棄我如遺跡南箕北有斗牽牛不負輓良無  
盤石固虛名復何益

冉冉孤生竹結根泰山阿與君爲新婚兔絲附  
女蘿兔絲生有時夫婦會有宜千里遠結婚悠  
悠隔山陂思君令人老軒車來何遲傷彼蕙蘭  
花含英揚光輝過時而不采將隨秋草萎君亮  
執高節賤妾亦何爲

庭中有奇樹綠葉發華滋攀條折其榮將以遺  
所思馨香盈懷袖路遠莫致之此物何足貴但  
感別經時○迢迢牽牛星皎皎河漢女纖纖擢素  
手札札弄機杼終日不成章泣涕零如雨河漢  
清且淺相去復幾許盈盈一水間脉脉不得語  
迴車駕言邁悠悠涉長道四顧何茫茫東風搖



百草所遇無故物焉得不速老盛衰各有時立  
身苦不早人生非金石豈能長壽考奄忽隨物  
化榮名以爲寶

東城高且長委迤自相屬迴風動地起秋草萋  
已綠四時更變化歲暮一何速晨風懷苦心蟋  
蟀傷局促蕩滌放情志何爲自結束燕趙多佳  
人美者顏如玉被服羅裳衣當戶理清曲音響  
一何悲絃急知柱促馳情整巾帶沈吟聊躑躅  
思爲雙飛鸞銜泥巢君屋

驅車上東門遙望郭北墓白楊何蕭蕭松柏夾  
廣路下有陳死人杳杳卽長暮潛寐黃泉下千  
載永不寤浩浩陰陽移年命如朝露人生忽如  
寄壽無金石固萬歲更相送聖賢莫能度服食  
求神仙多爲藥所悞不如飲美酒被服紈與素  
去者日已踈生者日已親出郭門直視但見丘  
與墳古墓犁爲田松柏摧爲薪白楊多悲風蕭  
蕭愁殺人思還故里間欲歸道無因

生年不滿百常懷千歲憂晝短苦夜長何不秉



燭遊爲樂當及時何能待來茲愚者愛惜費但  
爲後世嗤仙人王子喬難可與等期

凜凜歲云暮螻蛄夕鳴悲涼風率已厲游子寒  
無衣錦衾遺洛浦同袍與我違獨宿累長夜夢  
想見容輝良人惟古歎枉駕惠前綬願得常巧  
笑攜手同車歸旣來不須更又不處重闌亮無  
晨風翼馬能凌風飛眇眇以適意引領遙相稀  
徙倚懷感傷垂涕霑雙扉

孟冬寒氣至北風何慘慄愁多知夜長仰觀衆  
星列三五明月滿四五蟾兔缺客從遠方來遺  
我一書札上言長相思下言久離別置書懷袖  
中三歲字不滅一心抱區區懼君不識察

客從遠方來遺我一端綺相去萬餘里故人心  
尚爾文綵雙鴛鴦裁爲合歡被著以長相思緣  
以結不解以膠投漆中誰能別離此  
明月何皎皎照我羅牀帷憂愁不能寐攬衣起  
徘徊客行雖云樂不如早旋歸出戶獨彷徨愁  
思當告誰引領還入房淚下霑裳衣



與蘇武詩三首

五言

李少卿

良時不再至，離別在須臾。  
屏營衢路側，執手野踟蹰。  
仰視浮雲馳，奄忽互相踰。  
風波一失所，各在天一隅。  
長當從此別，且復立斯須。  
欲因晨風發，送子以賤軀。

嘉會難再遇，三載爲千秋。  
臨河濯長纓，念子悵悠悠。  
遠望悲風至，對酒不能酬。  
行人懷往路，何以慰我愁。  
獨有盈觴酒，與子結綢繆。

攜手上河梁，游子暮何之。  
徘徊蹊路側，悵悵不

能辭。行人難久留，各言長相思。  
安知非日月，弦望自有時。  
努力崇明德，皓首以爲期。

詩四首

五言

蘇子卿

骨肉緣枝葉，結交亦相因。  
四海皆兄弟，誰爲行路人。  
况我連枝樹，與子同一身。  
昔爲鴛與鴦，今爲參與辰。  
昔者常相近，邈若胡與秦。  
惟念當離別，思情已以新。  
鹿鳴思野草，可以喻嘉賓。  
我有千鍾酒，欲以贈遠人。  
願子留斟酌，叙此平生親。  
黃鵠一遠別，千里顧徘徊。  
胡馬失其群，思心常



依依何況雙飛龍羽翼臨當乖幸有絃歌曲可  
以喻中懷請爲游子吟泠泠一何悲絲竹厲清  
聲慷慨有餘哀長歎正激烈中心愴以摧欲展  
清商曲念子不能歸俛仰內傷心淚下不可揮  
願爲雙黃鵠送子但使遠飛

結髮爲夫妻恩愛而不疑歡娛在今夕嬾婉及  
良時征夫懷徃路起視夜何其參辰皆已沒去  
去從此辭行役在戰場相見未有期握手一長  
歎淚爲生別滋努力愛春花莫忘歡樂時生當

復歸來死當長相思

燭燭晨明月馥馥我蘭芳芬馨良夜發隨風聞  
我堂征夫懷遠路游子戀故鄉寒冬十二月晨  
起踐嚴霜俯觀江漢流仰視浮雲翔良友遠離  
別各在天一方山海隔中州相去悠且長嘉會  
難兩遇歡樂殊未央願君崇令德隨時愛景光

四愁詩四首

七言  
并序

張子平

張衡不樂久處機密陽嘉中出爲河間相時國  
王驕奢不遵法度又多豪右并兼之家衡下車



治威嚴能內察屬縣姦猾行巧劫皆密知名下  
吏收捕盡服擒諸豪俠游客悉惶懼逃出境郡  
中大治爭訟息獄無繫囚時天下漸弊鬱鬱不  
得志爲四愁詩屈原以美人爲君子以珍寶爲  
仁義以水深雪雰爲小人思以道術相報貽於  
時君而懼讒邪不得以通其辭曰

一思曰我所思兮在太山欲往從之梁父艱側  
身東望涕霑翰美人贈我金錯刀何以報之英  
瓊瑤路遠莫致倚逍遙何爲懷憂心煩勞

二思曰我所思兮在桂林欲往從之湘水深側  
身南望涕霑襟美人贈我金琅玕何以報之雙  
玉盤路遠莫致倚惆悵何爲懷憂心煩傷

三思曰我所思兮在漢陽欲我從之隴阪長側  
身西望涕霑裳美人贈我貂檐榆何以報之明  
月珠路遠莫致倚踟躕何爲懷憂心煩紆

四思曰我所思兮在鴈門欲往從之雪紛紛側  
身北望涕霑巾美人贈我錦繡段何以報之青  
玉案路遠莫致倚增歎何爲懷憂心煩惋



雜詩 五言

王仲宣

日暮遊西園  
其寫憂思情  
曲池揚素波  
列樹敷丹榮  
上有特栖鳥  
懷春向我鳴  
褰衽欲從之路  
險不得征  
徘徊不能去  
佇立望爾形  
風飈揚塵起  
白日忽已寘  
迴身入空房  
託夢通精誠  
人欲天不違  
何懼不合并

雜詩 五言

劉公幹

戰事煩填委  
文墨紛消散  
馳翰未暇食  
日昃不知晏  
沈迷簿領書  
回回自昏亂  
釋此出西城  
登

高且游觀方塘  
含白水中  
有鳧與鴈  
安得肅肅羽  
從爾浮波瀾

雜詩二首 五言

魏文帝

漫漫秋夜長  
烈烈北風涼  
展轉不能寐  
披衣起彷徨  
彷徨忽已久  
白露霑我裳  
俯視清水波  
仰看明月光  
天漢迴西流  
三五正從橫  
草蟲鳴何悲  
孤鴈獨南翔  
鬱鬱多悲思  
縣縣思故鄉  
願飛安得翼  
欲濟河無梁  
向風長歎息  
斷絕我中腸  
西北有浮雲  
亭亭如車蓋  
惜哉時不遇  
適與飄



風會吹我東南行行行至吳會吳會非我鄉安  
能久留滯棄置勿復陳客子常畏人

朔風詩 四言

曹子建

仰彼朔風用懷魏都願騁代馬倏忽北徂凱風  
未至思彼蠻方願隨越鳥翻飛南翔四氣代謝  
懸景運周別如俯仰脫若三秋昔我初遷朱華  
未希今我旋止素雪云飛俯降千仞仰登天阻  
風飄蓬飛載離寒暑千仞易陟天阻可越昔我  
同袍今來乖別子好芳草豈忘爾貽繁華將茂

秋霜悴之君不垂眷豈云其誠秋蘭可喻桂樹  
夕榮絃歌蕩思誰與銷憂臨川暮思何爲泛舟  
豈無和樂游非我鄰誰忘泛舟愧無榜人

雜詩六首

五言

曹子建

高臺多悲風朝日照北林之子在萬里江湖迴  
且深方舟安可極離思故難任孤鴈飛南遊過  
庭長哀吟翹思慕遠人願欲託遺音形影忽不  
見翩翩傷我心

轉蓬離本根飄飄隨長風何意迴飈舉吹我入



雲中高高上無極天路安可窮類此游客子捐  
軀遠從戎毛褐不掩形薇藿常不充去去莫復  
道沈憂令人老

西北有織婦綺綺何繽紛明晨秉機杼日吳不  
成文太息終長夜悲嘯入青雲妾身守空閨良  
人行從軍自期三年歸今已歷九春飛鳥繞樹  
翔嗷嗷鳴索群願爲南流景馳光見我君

南國有佳人容華若桃李朝遊江北岸夕宿瀟  
湘汜時俗薄朱顏誰爲發皓齒俛仰歲將暮榮

耀難久恃

僕夫早嚴駕吾將遠行游遠游欲何之吳國爲  
我仇將騁萬里塗東路安足由江介多悲風淮  
泗馳急流願欲一輕濟恤哉無方舟閑居非吾  
志甘心赴國憂

飛觀百餘尺臨牖御櫺軒遠望周千里朝夕見  
平原列士多悲心小人媮自閑國讎亮不塞其  
心思喪元拊劔西南望思欲赴泰山絃急悲聲  
發聆我慷慨言



情詩 五言

曹子建

微陰翳陽景清風飄我衣  
游魚潛綠水翔鳥薄天飛  
眇眇客行士遙役不得歸  
始出嚴霜結今來白露晞  
游子歎黍離處者歌式微  
漣慨對嘉賓悽愴內傷悲

雜詩 四言

嵇叔夜

微風清扇雲氣四除皎皎亮月麗于高隅與命  
公子攜手同車龍驥翼翼揚鑣踟躕肅肅宵征  
造我友廬光燧吐輝華幔長舒鸞觴酌醴神鼎

烹魚絃超子野歎過縣駒流詠太素俯讚玄虛  
孰克英賢與爾剖符

雜詩 五言

傅休奕

志士惜日短愁人知夜長  
攝衣步前庭仰觀南鴈翔  
玄景隨形運流響歸空房  
清風何飄飄微月出西方  
繁星依青天列宿自成行  
蟬鳴高樹間野鳥號東廂  
纖雲時髣髴溼露霑我裳  
良時無停景北斗忽低昂  
常恐寒節至凝氣結爲霜  
落葉隨風摧一絕如流光



雜詩 五言

張茂先

晷度隨天運四時互相承東壁正昏中固陰寒  
節升繁霜降當夕悲風中夜興朱火青無光蘭  
膏坐自凝重衾無暖氣挾纒如懷冰伏枕終遙  
昔寤言莫予應永思慮崇替慨然獨撫膺

情詩二首 五言

張茂先

清風動帷簾晨月照幽房佳人處遐遠蘭室無  
容光襟懷擁虛景輕衾覆空牀居歡愒夜促在  
感怨宵長拊枕獨嘯歎感慨心內傷

游目四野外逍遙獨延佇蘭蕙綠清渠繁華蔭  
綠渚佳人不在茲取此欲誰與巢居知風寒穴  
處識陰雨不曾遠別離安知慕儔侶

園葵詩 五言

陸士衡

種葵北園中葵生鬱萋萋朝榮東北傾夕頽西  
南晞零露垂鮮澤朗月耀其輝時逝柔風戢歲  
暮商衆飛曾雲無溫液嚴霜有凝威幸蒙高牖  
德玄景蔭素蕤豐條並春盛落葉後秋衰慶彼  
晚彫福忘此孤生悲



思友人詩

五言

曹顏遠

密雲翳陽景霖潦淹庭除嚴霜彫翠草寒風振  
織枯凜凜天氣清落落卉木踈感時歌蟋蟀思  
賢詠白駒情隨玄陰滯心與迴飄俱思心何所  
懷懷我歐陽子精義測神奧清機發妙理自我  
別旬朔微言絕于耳褰裳不足難清揚未可俟  
延首出階檐佇立增想似

感舊詩一首

五言

曹顏遠

富貴他人合貧賤親戚離廉蔭門易軌田竇相

奪移晨風集茂林棲鳥去枯枝今我唯困蒙郡  
士所背馳鄉人敦懿義濟濟陰光儀對賓訟有  
客舉觴詠露斯臨樂何所歎素絲與路歧

雜詩

五言

何敬祖

秋風乘夕起明月照高樹閑房來清氣廣庭發  
暉素靜寂愴然歎惆悵出游顧仰視垣上草俯  
察階下露心虛體自輕飄颻若仙步瞻彼陵上  
栢想與神人遇道深難可期精微非所慕勤思  
終遙夕永言寫情慮



雜詩

五言

王正長

朔風動秋草邊馬有歸心胡寧久分析靡靡忽  
至今王事離我志殊隔過商參昔往鶴鷓鳴今  
來蟋蟀吟人情懷舊鄉客鳥思故林師涓久不  
奏誰能宣我心

雜詩

五言

東道彥

吳寇未殄滅亂象侵邊疆天子命上宰作蕃于  
漢陽開國建元士王帛聘賢良予非荆山璞謬  
登和氏場羊質服虎文燕翼假鳳翔既懼非所

任怨彼南路長千里既悠邈路次限關梁僕夫  
罷遠涉車馬困山岡深谷下無底高巖暨穹蒼  
豐草停滋潤霧露沾衣裳玄林結陰氣平風自  
寒涼顧瞻情感切惻愴心哀傷士生則懸弧有  
事在四方安得恒逍遙端坐守閨房引義割外  
情內感實難忘

雜詩

左太冲

秋風何冽冽白露爲朝霜柔條旦夕勁綠葉日  
夜黃明月出雲崖噉噉流素光披軒臨前庭噉



傲晨鴈翔高志局四海塊然守空堂壯齒不相  
居歲暮常慨慷

雜詩 王言

張季鷹

暮春和氣應白日照園林青條若惣翠黃華如  
散金嘉卉亮有觀顧此難久耽延頸無良塗頓  
足託幽深榮與壯俱去賤與老相尋歡樂不照  
顏慘愴發謳吟謳吟何嗟及古人可慰心

雜詩十首 五言

張景陽

秋夜涼風起清氣蕩暄濁蜻蛚吟階下飛蛾拂

明燭君子從遠役佳人守釭獨離居幾何時鑽  
燧忽改木房櫳無行跡庭草萋以綠青苔依空  
牆蜘蛛網四屋感物多所懷沈憂結心曲

大火流坤維白日馳西陸浮陽映翠林迴森扇  
綠竹飛雨灑朝蘭輕露栖叢菊龍蟄暄氣凝天  
高萬物肅弱條不重結芳蕤豈在馥人生瀛海  
內忽如鳥過日川上之歎逝前修以自勗

金風扇素節丹霞啓陰期騰雲似涌煙密雨如  
散絲寒花發黃采秋草含綠滋閑居玩萬物離



群戀所思案無蕭氏牘庭無貢公棊高尚遺王  
侯道積自成甚至人不嬰物餘風足染時

朝霞迎白日丹氣臨暘谷翳翳結繁雲森森散  
雨足輕風推勁草凝霜竦高木密葉日夜踈叢  
林森如束疇昔歎時遲晚節悲年促歲暮懷百  
憂將從季主卜

昔我資章甫聊以適諸越行行入幽荒歐駱從  
祝髮窮年非所用此貨將安設瓴甌夸璵璠魚  
目笑明月不見郢中歌能否居然別陽春無和

者巴人皆下節流俗多昏迷此理誰能察

朝登魯陽關夾路峭且深流澗萬餘丈園木數  
千尋咆虎響窮山鳴鶴聒空林淒風爲我嘯百  
籟坐自吟感物多思情在險易常心竭來戒不  
虞挺轡越飛岑王陽驅九折周文走岑峯經阻  
貴勿遲此理著來今

此鄉非吾地此郭非吾城羈旅無定心翩翩如  
懸旌出覩軍馬陣入聞鞞鼓聲常懼羽檄飛神  
武一朝征長鋏鳴鞘中烽火列邊亭捨我衡門



衣更被縵胡纓疇昔懷微志帷幕竊所經何必  
操干戈堂上有奇兵折衝樽俎間制勝在兩楹  
巧遲不足稱拙速乃垂名

述職投邊城羈束戎旅間下車如昨日望舒四  
五圓借問此何時胡蝶飛南園流波戀舊浦行  
雲思故山閩越衣文蛇胡馬願度燕土風安所  
習由來有固然

結宇窮岡曲耦耕幽藪陰荒庭寂以閑幽岫峭  
且深淒風起東谷有滄興南岑雖無箕畢期膚

寸自成霖澤雉登壘雒寒爰擁條吟磳壑無人  
跡荒楚鬱蕭森投耒循岸垂時聞樵采音重基  
可擬志迴淵可比心養真尚無爲道勝貴陸沈  
游思竹素園寄辭翰墨林

黑蟻躍重淵商羊儻野庭飛廉應南箕豐隆迎  
號屏雲根臨八極雨足灑四溟霖瀝過二旬散  
漫亞九齡階下伏泉涌堂上水衣生洪潦浩方  
割人懷昏墊情沈液漱陳根綠葉腐秋莖里無  
曲突煙路無行輪聲環堵自頽毀垣闔不隱形







文選卷第三十

雜詩下

梁昭明太子蕭統撰

時興詩 五言

盧子諒

疊疊圓象運悠悠方儀廓忽忽歲云暮游原采  
蕭藿北踰芒與河南臨伊與洛凝霜露蔓草悲  
風振林薄撼撼芳葉零粲粲芬華落下泉激冽  
清曠野增遼索登高眺遐流極望無崖崿形變  
隨時化神感因物作澹乎至人心恬然存玄漠



雜詩二首

五言

陶淵明

結廬在人境而無車馬喧問君何能爾心遠地  
自偏采菊東籬下悠然望南山山氣日夕佳飛  
鳥相與還此還有真意欲辯已忘言  
秋菊有佳色裛露掇其英泛此忘憂物遠我達  
世情一觴雖獨進盃盡壺自傾日入群動息歸  
鳥趨林鳴嘯傲東軒下聊復得此生

詠貧士

五言

陶淵明

萬族各有託孤雲獨無依  
曖曖虛中滅何時見

餘輝朝霞開宿霧衆鳥相與飛遲遲出林翮未  
夕復來歸量力守故轍豈不寒與饑知音苟不  
存已矣何所悲

讀山海經

五言

陶淵明

孟夏草木長繞屋樹扶踈衆鳥欣有託吾亦愛  
吾廬既耕亦已種且還讀我書窮巷隔深轍頗  
迴故人車歡言酌春酒摘我園中蔬微雨從東  
來好風與之俱泛覽周王傳流觀山海圖俛仰  
終宇宙不樂復何如



七月七日夜詠牛女

謝惠連

落日隱欄楹，升月照簾櫳。團團滿葉露，析析振  
條風。蹠足循廣除，瞬目矚曾穹。雲漢有靈匹，彌  
年闕相從。邊川阻昵愛，脩渚曠清容。弄杼不成  
藻，聳鸞驚前蹤。昔離秋已兩，今聚夕無雙。傾河  
易迴幹，款情難久悰。沃若靈駕旋，寂寥雲幄空。  
留情顧華寢，遙心逐奔龍。沈吟爲爾感，情深意  
彌重。

擣衣 五言

謝惠連

衡紕無淹度，晷運倏如催。白露滋園菊，秋風落  
庭槐。肅肅莎鷄羽，烈烈寒蠶啼。夕陰結空幕，霄  
月皓中閨。美人戒裳服，端飾相招攜。簪玉出北  
房，鳴金步南階。欄高砧響發，楹長杵聲哀。微芳  
起兩袖，輕汗染雙題。紈素旣已成，君子行未歸。  
裁用笥中刀，縫爲萬里衣。盈篋自余手，幽絨候  
君開。暑帶淮疇昔，不知今是非。

南樓中望所遲客

謝靈運

杳杳日西頽，漫漫長路迫。登樓爲誰思，臨江遲



來客與我別所期期在三五夕圓景早已滿佳  
人殊未適卽事怨睽攜感物方悽戚孟夏非長  
夜晦明如歲隔瑤華未堪折蘭若已屢摘路阻  
莫贈問云何慰離析搔首訪行人引領異良覲  
田南樹園激流植援一首

謝靈運

樵隱俱在山由來事不同不同非一事養痾亦  
園中園中屏氛雜清曠招遠風卜室倚北阜啓  
扉回南江激澗代汲井挿槿當列壟群木旣羅

戶衆山亦當窳靡迤趨下田迢遞瞰高峯寡欲  
不期勞卽事罕人功唯開蔣生徑未懷求羊蹤  
賞心不可忘妙善冀能同

齋中讀書

謝靈運

昔余游京華未嘗廢丘壑矧乃歸山川心跡雙  
寂漠虛館絕諍訟空庭來鳥雀卧疾豐暇豫翰  
墨時閒作懷抱觀古今寢食展戲謔旣笑沮溺  
苦又哂子雲閣執戟亦以疲耕稼豈云樂萬事  
難並歡達生幸可託



石門新營所住四面高山廻溪石瀨茂林  
修竹  
謝靈運

躋險築幽居披雲卧石門苔滑誰能步葛弱豈  
可捫孊孊秋風過萋萋春草繁美人游不還佳  
期何由敦芳塵凝瑤席清醕滿金罇洞庭空波  
瀾桂枝徒攀翻結念屬霄漢孤景莫與諉俯濯  
石下潭仰看條上後早聞夕飈急晚見朝日曛  
崖傾光難留林深響易奔感往慮有復理來情  
無存庶特乘日用得以慰營魂匪爲衆人說冀

與智者論

雜詩一首

王景玄

思婦臨高臺長想憑華軒弄絃不成曲哀歌送  
苦言箕箒晉江介良人處鴈門詎憶無衣苦但  
知狐白溫日暗牛羊下野雀滿空園孟冬寒風  
起東壁正中昏朱火獨照人抱景自愁怨誰知  
心曲亂所思不可論

數詩

鮑明遠

一身仕關西家族滿山東二年從車駕齋祭耳



泉宮二朝國慶畢休沐還舊邦四牡曜長路輕  
蓋若飛鴻五侯相餞送高會集新豐六樂陳廣  
坐組帳揚春風七盤起長袖庭下列歌鍾八珍  
盈彫俎綺肴紛錯重九族共瞻遲賓友仰徽容  
十載學無就善宦一朝通

詠月城西門廡中

鮑明遠

始出西南樓纖纖如玉鉤末映東北墀娟娟似  
蛾眉蛾眉蔽珠櫳玉鉤隔瑣窓三五二八時千  
里與君同夜移衡漢落徘徊帷戶中歸華先安

露別葉早辭風客游厭苦辛仕子倦飄塵休澣  
自公日宴慰及私辰蜀琴抽白雪郢曲發陽春  
肴乾酒未缺金臺啓夕淪迴軒駐輕蓋留酌待  
情人

始出尚書省

五言

謝玄暉

惟昔逢休明十載朝雲陛既通金闥籍復酌瓊  
筵醴宸景厭照臨昏風淪繼體紛虹亂朝日濁  
河穢清濟防口猶寬政餐荼更如薺英袞暢人  
謀文明固天啓青精翼紫軟黃旗映朱邸還覩



司隸章復見東都禮中區咸已泰輕生諒昭洒  
趨事辭宮闕載筆陪旌祭邑里向疏蕪寒流自  
清泚衰柳尚沈沈凝露方泥泥零落悲友朋歡  
虞讌兄弟既秉丹石心寧流素絲涕乘此終蕭  
散垂竿深澗底

直中書省

五言

謝玄暉

紫殿肅陰陰彤庭赫弘敞風動萬年枝日華承  
露掌玲瓏結綺錢深沈映朱網紅藥當階翻蒼  
苔依砌上茲言翔鳳池鳴珮多清響信美非吾

室中園思偃仰朋情以鬱陶春物方駘蕩安得  
凌風翰聊恣山泉賞

觀朝雨

五言

謝玄暉

朔風吹飛雨蕭條江上來既灑百常觀復集九  
成臺空濛如薄霧散漫似輕埃平明振衣坐重  
門猶未開耳目暫無擾懷古信悠哉戢翼希驥  
首乘流畏曝鯁動息無兼遂歧路多徘徊方同  
戰勝者去翦北山萊

郡內登望

五言

謝玄暉



借問下車日匪直望舒圓寒城一以眺平楚正  
蒼然山積陵陽阻溪流春穀泉威紆距遙甸巉  
巖帶遠天切切陰風暮桑柘起寒煙悵望心已  
極恫怛魂屢遷結髮倦爲旅平生早事邊誰規  
鼎食盛寧要孤白鮮方弃汝南諾言稅遼東田

和伏武昌登孫權故城

五言

謝玄暉

炎靈遺劍璽當塗駭龍戰聖期缺中壤霸功興  
寓縣鵠起登吳山鳳翔陵楚甸衿帶窮巖險帷

奕盡謀選北拒溺驂鑣西龕收組練江海旣無  
波俯仰流英盼表冕類裡郊卜揆崇離殿釣臺  
臨講閱樊山開廣讌文物共歲蕤聲明且葱蒨  
三光厭分景書軌欲同薦參差世祀忽寂寞市  
朝變舞館識餘基歌梁想遺轉故林衰木平荒  
池秋草徧雄圖悵若茲茂宰深遐卷幽客滯津  
臯從賞乖纓弁清卮阻獻酬良書限聞見幸籍  
芳音多承風采餘絢下役儻有期鄂渚同游衍

和王著作八公山詩

五言



謝玄暉

二別阻漢坻雙嶠望河澳茲嶺復嶢岼分區奠  
淮服東限琅邪臺西距孟諸陸阡眠起雜樹檀  
欒蔭修竹日隱澗凝空雲聚袖如複出沒眺樓  
雉遠近送春日戎州昔亂華素景淪伊穀阡危  
賴宗衮微管寄明牧長蛇固能翦奔鯨自此曝  
道峻芳塵流荼遙年運倏平生仰令圖吁嗟命  
不淑浩蕩別親知連翩戒征軸再遠館娃宮兩  
去河陽谷風煙四時犯霜雨朝夜沐春秀良已

淵秋場庶能築

和徐都曹

五言

謝玄暉

苑洛佳遊游春色滿皇州結軫青郊路迥瞰蒼  
江流日華川上動風光草際浮桃李成蹊徑桑  
榆陰道周東都已倣載言歸望綠疇

和王主簿怨情

五言

謝玄暉

掖庭聘絕國長門失歡宴相逢詠靡蕪辭寵悲  
班扇花叢亂數蝶風簾入雙燕徒使春帶餘坐  
惜紅裝變平生一顧重宿昔千金賤故人心尚



爾故心人不見

和謝宣城

五言

沈休文

王喬飛鳧鳥東方金馬門從宦非宦侶避世非  
避喧揆余發皇鑒短翮屢飛翻晨趨游建禮晚  
沐卧郊園賓至下塵榻憂來命絳罇昔賢侔時  
雨今守馥蘭蓀神交疲夢寐路遠隔思存牽拙  
謬東汜浮情及西岷顧循良菲薄何以儷璵璠  
將隨渤澥去刷羽汎清源

應王中丞思遠詠月

五言

沈休文

月華臨靜夜夜靜滅氛埃方暉竟戶入圓影隙  
中來高樓切思婦西園游上才網軒映珠綴應  
門照綠苔洞房殊未曉清光信悠哉

冬節後至丞相第詣世子車中作

五言

沈休文

廉公失權勢門館有虛盈貴賤猶如此况乃曲  
池平高車塵未滅珠履故餘聲賓階綠錢滿客  
位紫苔生誰當九原上鬱鬱望佳城



學省愁卧一首

沈休文

秋風吹廣陌蕭瑟入南闌愁人掩軒卧高窓時  
動扉虛館清陰滿神宇曖微微網蟲垂戶織夕  
鳥傍欄飛纓珮空爲忝江海事多違山中有桂  
樹歲暮可言歸

詠湖中鴈

五言

沈休文

白水滿春塘旅鴈每迴翔咬流牽弱藻歛翮帶  
餘霜群浮動輕浪單汎逐孤光懸飛竟不下亂  
起未成行刷羽同搖漾一舉還故鄉

三月三日率爾成篇

五言

沈休文

麗日屬元巳年芳具在斯開花已而樹流嚶復  
滿枝洛陽繁華子長安輕薄兒東出千金堰西  
臨鴈鶩波游絲映空轉高楊拂地垂綠幘文照  
曜紫燕光陸離清晨戲伊水薄暮宿蘭池象筵  
鳴寶瑟金瓶汎羽卮寧憶春蠶起日暮桑欲萎  
長袂屢以拂彫胡方自炊愛而不可見宿昔減  
容儀且當忘情去歎息獨何爲



雜擬上

擬古詩十二首

陸士衡

擬行行重行行

悠悠行邁遠戚戚憂思深此思亦何思思君微  
與音音微日夜離緬邈若飛沈王鮪懷河岫晨  
風思北林遊子眇天末遠期不可尋驚飈褰反  
信歸雲難寄音佇立想萬里沈憂萃我心攬衣  
有餘帶循形不盈衿去去遺情累安處撫清琴

擬今日良宴會

閑夜命樵友置酒迎風館齊僮梁甫吟秦娥張  
女彈哀音繞棟宇遺響入雲漢四坐咸同志羽  
觴不可笑高譚一何綺蔚若朝霞爛人生無幾  
何爲樂常苦晏譬彼伺晨鳥揚聲當及旦曷爲  
恒憂苦守此貧與賤

擬迢迢牽牛星

昭昭清漢暉粲粲光天步牽牛西北迴織女東  
南顧華容一河冶揮手如振素怨彼河無梁悲  
此年歲暮跂彼無良緣睨焉不得度引領均士大



川雙涕如雨露

擬涉江采芙蓉

上山采瓊蘂窮谷饒芳蘭采采不盈掬悠悠懷  
所歡故鄉一何曠山川阻且難沈思鍾萬里躑  
躑獨吟歎

擬青青河畔草

靡靡江離草熠燿生河側皎皎彼姝女阿那當  
軒織粲粲妖容姿灼灼美顏色良人遊不歸偏  
棲獨隻翼空房來悲風中夜起歎息

擬明月何皎皎

安寢比堂上明月入我牖照之有餘暉攬之不  
盈手涼風繞曲房寒蟬鳴高柳踟躕感節物我  
行求已久遊宦會無成離思難常守

擬蘭若生朝陽

嘉樹生朝陽凝霜封其條執心守時信歲寒終  
不彫美人何其曠灼灼在雲霄隆想彌年月長  
嘯入飛颺引領望天末譬彼向陽翹

擬青青陵上栢



冉冉高陵蘋習習隨風翰人生當幾時譬彼濁  
水瀾戚戚多滯念置酒宴所歡方駕振飛轡遠  
遊入長安名都一何綺城闕鬱盤桓飛閣纓虹  
帶魯臺冒雲冠高門羅北闕甲第椒與蘭俠客  
控絕景都人驂玉軒遨遊放情願慷慨爲誰歎  
擬東城一何高

西山何其峻曾曲鬱崔嵬零露彌天墜蕙葉憑  
林衰寒暑相因襲時逝忽如頽三閭結飛轡大  
羞嗟落暉曷爲牽世務中心若有違京洛多妖

麗玉顏侔瓊粧閑夜撫鳴琴惠音清且悲長歌  
赴促節哀響逐高微一唱萬夫歎再唱梁塵飛  
思爲河曲鳥雙遊豐水湄

擬西北有高樓

高樓一何峻迢迢峻而安綺窓出塵冥飛陛躡  
雲端佳人撫琴瑟纖手清且閑芳氣隨風結哀  
響馥若蘭玉容誰得顧傾城在一彈佇立望日  
昊躑躅再三歎不怨佇立久但願歌者歡思駕  
歸鴻羽比翼雙飛翰



擬庭中有奇樹

歡友蘭時往迢迢匿音微  
虞淵引絕景四節逝  
若飛芳草久已茂佳人竟不歸  
躑躅遵林渚惠風入我懷  
感物戀所歡采此欲貽誰

擬明月皎夜光

歲暮涼風發昊天肅明月招搖西北指  
天漢東南傾朗月照閑房  
蟋蟀吟戶庭翻翻歸鴈集  
嘒嘒寒蟬鳴嘒昔同宴友翰飛矣高寘服美改聲  
聽居愉遺舊情織女無機杼大梁不架楹

擬四愁詩 七言

張孟陽

我所思兮在營州欲往從之  
路阻修登崖遠望涕泗流  
我之懷矣心傷憂佳人遺我綠綺琴  
何以贈之雙南金願因流波超重深  
終然莫致增求吟

擬古詩 五言

陶淵明

日暮天無雲春風翳微和  
佳人美清夜達曙酣且歌  
歌竟長歎息持此感人多  
明明雲間月灼灼葉中花  
豈無一時好不久當如何



擬魏太子鄴中集八首

序并謝靈運

建安末余時在鄴宮朝遊夕讌究歡愉之極天下良辰美景賞心樂事四者難并今昆弟友朋二三諸彦共盡之矣古來此娛書籍未見何者楚襄王時有宋玉唐景梁孝主時有鄒枚嚴馬遊者美矣而其主不文漢武帝徐樂諸才備應對之能而雄猜多忌豈獲晤言之適不誣方將庶必賢於今日爾歲月如流零落將盡撰文懷人感往增愴其辭曰

魏太子

百川赴巨海衆星環北辰照灼爛霄漢遙裔起長津天地中橫潰家王拯生民區宇旣滌蕩群英必來臻忝此欽賢性由來常懷仁况值衆君子傾心隆日新論物靡浮說析理實敷陳羅縷豈闕辭窈窕究天人澄觴滿金壘連榻設華茵急絃動飛聽清歌拂梁塵何言相遇易此歡信可珍



家本秦川貴公子孫遭亂流寓自傷情多  
幽厲昔崩亂桓靈今板蕩伊洛既燎煙凶嶠沒  
無像整裝辭秦川秣馬赴楚壤沮漳自可美客  
心非外獎常歎詩人言式微何由往上宰奉皇  
靈侯伯咸宗長雲騎亂漢南宛郢皆掃盪排霧  
屬盛明披雲對清朗慶泰欲重疊公子特先賞  
不謂息肩願一旦值明兩並載遊鄴京方舟汎  
河廣綢繆清讌娛寂寥梁棟響所作長夜飲豈  
顧乘日養

陳琳

袁本初書記之士故述喪亂事多

皇漢逢屯遭天下遭氛慝董氏淪關西袁家擁  
河北單民易周章窘身就羈勒豈意事乖已永  
懷戀故國相公實勤王信能定螿賊復覩東都  
輝重見漢朝則餘生幸已多矧迺值明德愛客  
不告疲飲讌遺景刻夜聽極星爛朝遊窮燠黑  
哀哇動梁埃急觴盪幽默且盡一日娛莫知古  
來惑



徐幹

少無宦情有箕穎之心事故仕世多素辭  
伊昔家臨淄提攜美齊瑟置酒飲膠東淹留憩  
高密此歡謂可終外物始難畢搖蕩箕濮情窮  
年迫憂慄末塗幸休明棲集建薄質已免負薪  
苦仍游椒蘭室清論事究萬美話信非一行觴  
奏悲歌永夜繫白日華屋非蓬居時髦豈余匹  
中飲顧昔心悵焉若有失

應瑒

卓犖偏人而文最有氣所得頗經奇

貧居晏里閑少小長東平河充當衝要淪飄薄  
許京廣川無逆流招納厠群英北渡黎陽津南  
登紀郢城既覽古今事頗識治亂情歡友相解  
達敷奏究平生矧荷明哲顧知深覺命輕朝遊  
牛羊下暮坐括搗鳴終歲非一日傳卮美新聲  
辰事既難諧歡願如今并唯羨肅肅翰續紛戾  
高冥

劉楨



汝穎之士流離世故頗有飄薄之歎

嗷嗷雲中鴈舉翮自委羽求涼弱水湄遠寒長  
沙渚顧我梁川時緩步集穎許一旦逢世難淪  
薄恒羈旅天下昔未定託身早得所官度厠一  
卒烏林預艱阻晚節值衆賢會同庇天宇列坐  
廢華棖金樽盈清醕始奏延露曲繼以闌夕語  
調笑輒酬荅嘲謔無慙沮傾軀無遺慮在心良  
已叙

阮瑀

管書記之任故有優渥之言

河洲多沙塵風悲黃雲起金羈相馳逐聯翩何  
窮已慶雲惠優渥微薄攀多士念昔渤海時南  
皮戲清泚今復河曲游鳴篴汎蘭汜躡步陵丹  
梯並坐侍君子妍談既愉心哀弄信睦耳傾酌  
係芳醕酌言豈終始自從食萍來唯見今日美

平原侯植

公子不及世事但羨遨遊然頗有憂生之嗟  
朝遊登鳳閣日暮集華沼傾柯引弱枝攀條摘



蕙草徒倚窮騁望目極盡所討西顧太行山北  
眺邯鄲道平衢脩且直白楊信裊裊副君命飲  
宴歡娛寫懷抱良遊匪書夜豈云晚與早衆賓  
悉精妙清辭灑蘭藻哀音下迴鶻餘哇徹清昊  
中山不知醉飲德方覺飽願以黃髮期養生念  
將老

文選卷之三十

音釋

榮榮嶠俄衰刈瞬舜隲麗宗琮堂奇四篋頰  
嫺透諼喧軼大祭啓讌宴凌陵嶺攢屹元帖監  
娃蛙靡糜駑務幘責譚談跂企睨緩喟會廕蔭  
棖衰醕晉蕙惠







